

Broj: 06-11-94-1/2023-R-3-9
Sarajevo, 05.12.2023. godine

Na osnovu člana 70. st. (1) i (3) Zakona o javnim nabavkama („Službeni glasnik BiH“, br. 39/14 i 59/22), a na prijedlog stalne Komisije za provođenje postupaka javne nabavke roba, usluga i radova, imenovane Rješenjem, broj: 08-30-95/2023 od 22.02.2023. godine i Komisije za javne nabavke, imenovane Rješenjem, broj: 08-30-95/2023-3 od 22.11.2023. godine, sekretar Vlade Federacije Bosne i Hercegovine, d o n o s i

O D L U K U
O IZBORU NAJPOVOLJNIJEG PONUĐAČA ZA JAVNU NABAVKU ROBA –
NABAVKA SERVERSKE OPREME ZA POTREBE GENERALNOG SEKRETARIJATA
VLADE FEDERACIJE BOSNE I HERCEGOVINE

I.

U cilju odabira najpovoljnijeg ponuđača, u provedenom postupku javne nabavke: Otvoreni postupak za javnu nabavku roba – nabavka serverske opreme za potrebe Generalnog sekretarijata Vlade Federacije Bosne i Hercegovine, evidencijski broj nabavke: 06-11-94-1/2023-R-3-1, broj Obavještenja o nabavci sa portala javnih nabavki: 854-1-1-153-3-33/23 od 09.10.2023. godine, Sažetak obavještenja o nabavci objavljen u „Službenom glasniku BiH-Oglasnik javne nabavke“, broj: 71/23, kao prihvatljiva ponuda ocijenjena je ponuda ponuđača **KING ICT d.o.o. Sarajevo**, sa ukupnom cijenom ponude u iznosu **340.000,00 KM** bez PDV-a.

II.

Ponuda Ponuđača iz tačke I. ove odluke ocijenjena je prihvatljivom, u skladu sa članom 2. stav (1) tačka I) podtačka 1) Zakona o javnim nabavkama.

III.

Za realizaciju ove odluke zadužuju se Sektor za pravne i opće poslove i Sektor za materijalno-finansijske poslove.

IV.

Ova odluka stupa na snagu danom donošenja i objavit će se na web stranici Vlade Federacije Bosne i Hercegovine - Generalnog sekretarijata Vlade Federacije Bosne i Hercegovine u skladu sa članom 70. stav (6) Zakona o javnim nabavkama, istovremeno s upućivanjem iste ponuđačima koji su učestvovali u predmetnom postupku javne nabavke.

O b r a z l o ž e n j e

Postupak nabavke pokrenut je Odlukom o pokretanju postupka javne nabavke, broj: 06-11-94-1/2023-R-3 od 05.10.2023. godine. Javna nabavka provedena je putem Otvorenog postupka. Ukupna procijenjena vrijednost nabavke iznosila je 340.000,00 KM bez PDV-a. Obavijest o nabavci poslana je na objavu 09.10.2023. godine, te je istog dana objavljena na portalu Javnih nabavki pod brojem: 854-1-1-153-3-33/23, a Sažetak obavještenja o nabavci objavljen je u „Službenom glasniku BiH-Oglasnik javne nabavke“, broj: 71/23.

Tendersku dokumentaciju preuzelo je 39 (tridesetdevet) privrednih subjekata, a 4 (četiri) ponuđača su dostavila ponude u predmetnom postupku nabavke. Ponude su blagovremeno pristigle. U skladu sa provedenim predmetnim postupkom javne nabavke, ponude su dostavili sljedeći ponuđači: KING ICT d.o.o. Sarajevo, ARTCO GROUP d.o.o. Sarajevo, KODEKS d.o.o. Sarajevo i ROAMING NETWORKS d.o.o. Banja Luka.

Stalna Komisija za provođenje postupaka javne nabavke roba, usluga i radova, imenovana Rješenjem, broj: 08-30-95/2023 od 22.02.2023. godine i Komisija za javne nabavke, imenovana Rješenjem, broj: 08-30-95/2023-3 od 22.11.2023. godine izvršila je pregled i ocjenu ponuda, te konstatovala da je, od ukupno 4 (četiri) dostavljene ponude, prihvatljiva 1 (jedna) i to ponuda ponuđača: KING ICT d.o.o. Sarajevo, dok su 2 (dvije) nepravilne i neprihvatljive i to ponude ponuđača: ARTCO GROUP d.o.o. Sarajevo i KODEKS d.o.o. Sarajevo i 1 (jedna) neprihvatljiva i to ponuda ponuđača: ROAMING NETWORKS d.o.o. Banja Luka.

Ponuda ponuđača ARTCO GROUP d.o.o. Sarajevo ocjenjena je neprihvatljivom i nepravilnom iz sljedećih razloga:

- u Aneksu 3 - OBRAZAC ZA CIJENU PONUDE – ROBE (SERVERSKA OPREMA), u tabelarnom prikazu pod rednim brojem 6. ORMAR ZA SMJEŠTAJ SERVERSKE I MREŽNE OPREME (SERVER RACK) SA UGRAĐENIM UPS UREĐAJEM I POWER DISTRIBUTION UNIT-OM (RAZVODNIK NAPAJANJA), u rubrici Tehnička specifikacija, između ostalog, traženo je: „*Karakteristike power distribution unit-a: • interfejs za nadzor preko Web/SNMP..... kompatibilno sa ponuđenim UPS uređajem*“.

Pregledom Ponude, odnosno tehničke specifikacije, konstatovano je da je Ponuđač ponudio Power distribution unit Digitus DN-95622 koji nema interfejs za nadzor preko Web/SNMP, što nije u skladu sa tehničkom specifikacijom.

Također, ponuđeni power distribution unit (PDU) posjeduje DIN 49441 16 A utikač kao ulaz, a ponuđeni UPS ne posjeduje DIN 49440 utičnicu u koju bi se DIN 49441 utikač priključio bez dodatnog priključnog kabla/prelaza, što nije u skladu sa tehničkom specifikacijom za power distribution unit (PDU), u kojoj je traženo, kompatibilno sa ponuđenim UPS uređajem.

- U Tenderskoj dokumentaciji, Poglavlje V OSTALE ODREDBE, tačka 3. Nacrt ugovora ili osnovni elementi ugovora, između ostalog, propisano je: „*.....Ponuđači su dužni uz ponudu dostaviti Nacrt ugovora u koji su unijeli podatke iz svoje ponude, te parafirati sve listove Nacrta ugovora.*“.

Pregledom Ponude, konstatovano je da Ponuđač, u Aneksu 9 - Nacrt ugovora (strana 24. Ponude), u članu 3. Nacrta ugovora (Cijena) nije upisao podatke iz ponude.

Ponuda ponuđača KODEKS d.o.o. Sarajevo ocjenjena je neprihvatljivom i nepravilnom iz sljedećih razloga:

- u Aneksu 3 - OBRAZAC ZA CIJENU PONUDE – ROBE (SERVERSKA OPREMA), u tabelarnom prikazu pod rednim brojem 6. ORMAR ZA SMJEŠTAJ SERVERSKE I MREŽNE OPREME (SERVER RACK) SA UGRAĐENIM UPS UREĐAJEM I POWER DISTRIBUTION UNIT-OM (RAZVODNIK NAPAJANJA), u rubrici Tehnička specifikacija, između ostalog, traženo je: „Karakteristike power distribution unit-a: • interfejs za nadzor preko Web/SNMP..... kompatibilno sa ponuđenim UPS uređajem“.

Pregledom Ponude, odnosno tehničke specifikacije, konstatovano da Ponuđač u Obrascu za cijenu ponude – robe (SERVERSKA OPREMA) - Aneks 3 nije naveo naziv proizvođača i model ponuđenog power distribution unit (PDU) - napojni panel za rack. Ponuđač Kodeks d.o.o. Sarajevo je na strani 15. (dio ponude pod nazivom Ponuda - Predračun 1090/2023) ponudio napojni panel za rack proizvođača Digitus DN-95622. U dijelu Ponude koji se odnosi na detaljnu tehničku dokumentaciju ponuđene robe, Ponuđač je na stranicama od 252. do 258. priložio tehničku dokumentaciju od drugog proizvođača-Legrand. Ponuđeni Power distribution unit Digitus DN-95622 nema interfejs za nadzor preko Web/SNMP, što nije u skladu sa tehničkom specifikacijom za power distribution unit (PDU).

Također je konstatovano da ponuđeni power distribution unit (PDU) posjeduje DIN 49441 16 A utikač kao ulaz, a ponuđeni UPS ne posjeduje DIN 49440 utičnicu u koju bi se DIN 49441 utikač priključio bez dodatnog priključnog kabla/prelaza, a što nije u skladu sa tehničkom specifikacijom za power distribution unit (PDU), u kojoj je traženo da bude kompatibilan sa ponuđenim UPS uređajem.

- U Tenderskoj dokumentaciji, Poglavlje V OSTALE ODREDBE, tačka 3. Nacrt ugovora ili osnovni elementi ugovora, između ostalog, propisano je: „.....Ponuđači su dužni uz ponudu dostaviti Nacrt ugovora u koji su unijeli podatke iz svoje ponude, te parafirati sve listove Nacrta ugovora.“.

Pregledom Ponude, konstatovano je da Ponuđač, u Aneksu 9 - Nacrt ugovora (str. 28. i 30. Ponude), u članu 3. i članu 10. Nacrta ugovora (Cijena i Plaćanje) nije upisao podatke iz ponude.

- Također, je konstatovano da je Ponuđač dostavio nekompletan Obrazac za cijenu ponude – robe (SERVERSKA OPREMA) – Aneks 3 (nedostaju pojedine stranice).

Ponuda ponuđača ROAMING NETWORKS d.o.o. Banja Luka ocjenjena je neprihvatljivom iz sljedećih razloga:

- u Aneksu 3 - OBRAZAC ZA CIJENU PONUDE – ROBE (SERVERSKA OPREMA), u tabelarnom prikazu pod rednim brojem 6. ORMAR ZA SMJEŠTAJ SERVERSKE I MREŽNE OPREME (SERVER RACK) SA UGRAĐENIM UPS UREĐAJEM I POWER DISTRIBUTION UNIT-OM (RAZVODNIK NAPAJANJA), u rubrici Tehnička specifikacija, između ostalog, traženo je: „Karakteristike power distribution unit-a: • digitalni display sa mogućnošću prikaza trenutne opterećenosti, interfejs za nadzor preko Web/SNMP.....“.

Pregledom Ponude, odnosno tehničke specifikacije, konstatovano da Ponuđač u Obrascu za cijenu ponude – robe (SERVERSKA OPREMA) - Aneks 3 nije naveo naziv proizvođača i model ponuđenog power distribution unit (PDU). Ponuđač Roaming Networks d.o.o. Banja Luka je na strani 27. (dio ponude pod nazivom: Ponuda na memorandumu Ponuđača) i dostavljenoj tehničkoj dokumentaciji ponudio Power distribution unit (PDU) proizvođača Lenovo 0U Basic 00YJ777 - 0U 36 C13/6 C19 32A 1 Phase power distribution unit (PDU).

Ponuđeni Power distribution unit Lenovo 0U Basic 00YJ777 - 0U 36 C13/6 C19 32A 1 Phase power distribution unit (PDU) nema digitalni display i interfejs za nadzor preko Web/SNMP što nije u skladu sa tehničkom specifikacijom, u kojoj je traženo digitalni display sa mogućnošću prikaza trenutne opterećenosti, interfejs za nadzor preko Web/SNMP.

Komisija je dostavila sekretaru Vlade Federacije Bosne i Hercegovine Zapisnik o pregledu i ocjeni ponuda, broj: 06-11-94-1/2023-R-3-8 od 01.12.2023. godine sa preporukom o izboru najpovoljnijeg ponuđača KING ICT d.o.o. Sarajevo, sa registriranim sjedištem u Sarajevu, ID broj: 4201150250005 za predmetnu nabavku.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz Tenderske dokumentacije, te da je izbor izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke ponuđači koji su učestvovali u postupku nabavke mogu izjaviti žalbu Uredu za razmatranje žalbi Bosne i Hercegovine putem ugovornog organa – Generalnog sekretarijata Vlade Federacije Bosne i Hercegovine, u pisanoj formi direktno, elektronskim putem ili preporučenom poštanskom pošiljkom, u roku od 10 (deset) dana od dana prijema ove odluke.



SEKRETAR VLADE

Edita Kalajdžić
dr.sci. Edita Kalajdžić

Dostaviti:

1. Svim ponuđačima u postupku
2. Komisiji za javne nabavke
3. Sektoru za pravne i opće poslove
4. Sektoru za materijalno-finansijske poslove